



## Referat

### Rådmannsgruppa i Sogn regionråd

Møtenummer: 1/17

Møtedato: 28.2.2017

Deltakarar:

Arve Varden (leiar), Kjellaug Brekkhus, Oddbjørn Ese,  
Odd Arve Rakstad, Jarle Skartun, Olve Fosseid, Jostein  
Aanestad, Alf Olsen og Karina Nerland.

Referent: Karina Nerland

Forfall: Frank Westad

#### 1. Godkjenning av innkalling og sakliste

#### 2. Val av leiar for 2017

Rådmannsgruppa vel leiar og nestleiar for 2017: Olve Fosseid vart valt til leiar og Jarle Skartun vart valt til nestleiar. Arve Varden leia møtet.

#### 3. Referat frå førre møte

Saker til neste møte:

Arbeidsgjevarkontroll

Barnevernvakt

#### 4. System for styrka læring

##### *Utviklingsprogrammet – status og handlingsplan v/ programleiar Hanne Ørnehaug*

- Regional plan for arbeidet for god psykisk helse hjå barn og unge vart utdelt. Planen må handsamast politisk og kommunane må konkretisera innsatsen. Alle tilsette i barnehagane og skulane har fått planen. Psykolog tilsett frå 15. mai.
- Entreprenørskapsmesse i Høyanger 4. mai.
- Prosjekt «Frå spesialundervisning til tilpassa opplæring» held fram. Inviterer skular til å bli med frå våren 2017.
- Suksesskriterie er å forankre satsingsområde og programma i kommunale planar og halda fram med utvikla barnehage og skule som lærande organisasjonar

Presentasjonen er lagt ved.

##### *Ungdomstrinnsatsinga v/ utviklingsrettleiar Inger Marie Evjestad*

Nasjonal satsing med tilbod om støtte til lokalt utviklingsarbeid i klasseleiing, rekning, lesing og skriving. Satsinga skal styrka elevane sitt læringsutbytte og auka gjennomføringa i vidaregåande skule. Presentasjonen er lagt ved.

#### 5. GIS-samarbeid

v/ GIS-koordinator Darek Hauderowicz

- Drift av GIS/Komtek serverer: Kartverket innfører sentral base som krever tilpassing av våre system. Vurderer kva som er best løysing ev. overføre drift av systemet til Norkart.
- Kommunekart: Erstattar sognekart. Kommunekart er installert, testing pågår. Blir kommunevis opplæring. Gisline Webplan er installert.
- Adresseprosjekt: Kommunane er komne ulikt ut.

Presentasjonen er lagt ved.

## **6. Helseprøver og nytt postdirektiv**

Rådmannsgruppa har bedt helse- og omsorgsgruppa vurdere om endringar i postomberinga inneber eit problem for helseprøvene, og bedt om forslag til løysing. Nettverket stiller seg bak fråseagna frå Luster, jf vedlegg.

Rådmannsgruppa ønskjer meir oversikt over status og utfordringar for kvar kommune og forslag til løysing. Karina sender spørsmål til kommunane.

## **7. Drift av musea- fordelingsnøkkel**

Rådmannsgruppa drøfta saka 4.10.2016: «Balestrand, Vik, Høyanger har vedteke innspelet. Aurland med positiv tilråding. Sogndal handsamar saka i formannskapet no i veka. Regionrådet har sendt saka attende til rådmennene. Nøkkelen gjeld berre auken. Vi bør anten ta stilling til om forslaget er godt nok; evt at det gjeld berre for 2017 og at vi ønskjer ei avklaring om ein ny fordelingsmodell frå 2018. Rådmennene tilrår det siste og at 3-4 rådmenn i fylket lagar ein ny. Dette blir spelt inn til regionrådet og KS.»

Det vart i orientert frå rådmannsgruppemøte i regionrådet 28.10.16. Saka vart drøfta på nytt i dette møtet.

Det blir sendt brev Musea om at ny finansieringsmodell bør gjelde for heile beløpet frå 2018 (kopi til KS). Karina lagar utkast til brev.

## **8. Høyring - innsyn, klage og søksmålsrett for kommunen i skattesaker om verdsetting av kraftanlegg.**

Forslag vart sendt til møtet. Forslaget, med innspel til endring som kom i møtet, blir sendt til kommunane for tilslutting. Høyringsfrist 8. mars 2017.

## **9. Siste nytt frå medlemskommunane – maks 5 minutt på kvar**

Det vart orientert frå deltagande kommunar.

## **10. Ymse**

- Kontrollutvala sekretariat – avtalane går ut 28.2.2017, og er forlenga til 31.5.2017. Fylkeskommunen har innstilt PwC. Val av leverandør må handsamast av kontrollutvalet eller kommunestyret. Timepris må sladdast. Karina lagar utkast til saksframlegg.
- Fylkesstyret i KS har vedteke at regionråda oppnemner representant til prosjekt og arbeidsgrupper, jf vedlegg. Rådmannsgruppa meiner vi bør gå tilbake til ordninga med at KS oppnemner representantar og at KS tek omsyn til regional fordeling.
- Bustadutvikling: Oppstartsmøte for prosjektet 1. mars.
- Entreprenørskapsmesse i Høyanger 4. mai. Rådmennene blir invitert til å vere med på messa
- Karrieremesse: Spørsmål om deltaking frå kommunane bør gå til rådmennene.
- Samarbeid om logoped.
- Samhandlingskoordinator.